



4. november 2020

Atassut

UKA 2020/57

Bentiaraq Bendtsen Ottosen

Atuarfimmi pisortat perorsaanermi aqutsinissamut piffissaqarnerulernissaat anguniarlugu atuarfimmi allatsitut ilinniarnissamut periarfissaasut misissorneqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi piginnaasatigut nukittorsaanissamut pisariaqartitsineq nassuiarneqassaaq, ilinniarneq sorleq tulluunnerunersoq, aningaasartuutissatut kingunerisassai aammalu ilinniarfinni atuutereersuni ilinniarsinnaanngornissaq periarfissaanersoq. Misissuinermi kingusinnerpaamik UKA2021-mi saqqummiunneqartussamut soqutigisallit sammisamullu attuumassusillit ilanngunneqarniarsarissapput.

(Inatsisartunut ilaasortaq Nivi Olsen, Demokraatit)

Atassut erseqqissaajuarpoq qitiusumiit aqutsineq minnerpaaffianut inissinneqassasoq, taamaaliortoqartillugu nalilersuisoqaqqinnissaa pingaaruteqarluinnarpoq. Kommunit pisussaaffigaat Inatsisartut inatsisaat malillugu iliuseqarnissaminnik naammassinnissinnaanissaat, taamaattumik misissuisitsinissaq pingaaruteqqarsinnaavoq imaluuniit suliap ilusaa malillugu allanguisoqarsinnaalluni paasissutissat pitsaasut eqqarsaatiginerullugit.

Siunnersuuteqartup toqqammaviatigut taperserparput, kisianni ilusaanut pitsannguutaasinnaasut oqitsuararsuusut isumaqarpunga. Pisortatut ilinniarnermi pitsanngorsaataasinnaasut eqqarsaatigalugit Kommunit kajumissaarneqarsinnaapput periarfissat ujarorneqarsinnaasut, soorlu ilinniartitsisup nutaap imaluuniit atuarfimmi pisortap (lederuddannelse) atorlugu sanarfineqarsinnaasoq pilersaarut qanoq kommuni nammineerlutik ilusilersorsinnaassagaat.

Atassummiit pingaartipparput atuarfitsialaap siunertassavimmisut ingerlalnissaa, tassami meeraq ilinniarfinnut allanut ingerlariaqqikkaangami perorsarsimassutsikkut suli amigaaqarluni alloriaqqittarnissaa pinaveersaartittariaqaratsigu. Tamanna qulakkeerneqarsinnaavoq (lederuddannelse) kursus-erfigalugu naammassisimagaanni, sulianik taamatunik naammassinnissinnaaneq.

Siunnersuut ataatsimiititaliamut innersuupparput.